



Al è un mont strani, chel di internet.

Si cognòs int che no si sarès mai cognossût cence, ma inte stesse maniere no si sa nie di lôr a mancul chê simpri internet nol rivi in aiût. E cussì, in chescj dîs, o sin vignûts a savê une gnove che no à nie di biel, e come za altris voltis nus è capitât di fâ, nus tocje saludâ par simpri un contecurtâr.

Il nestri Bepi Zefon, che ti tancj agns al jere a stâ in Lombardie, tal imprim dal mê di lui, al è lât a viodi plui di dongje cualchidune di chês stelis e di chei planets, che tantis voltis nus à contât.

Al pôc ce dî, al jere un presince biele, e persone curiose, che nus à tignût companie cu lis sôs contis e cun plui di cualchi cjacarade, vie mail. Par me, podopo, che o vevi scuvierit che al jere originari di Talmassons, il paîs di mê none, al jere un gust in plui sintîlu contâ i siei ricuarts di chês bandis.

Lu saludìn ducj, cun corôt e displasê, ancje noaltris de Ostarie,